

吳門坊巷待輜吟卷二

太吳 范廣憲 君博



東南隅

花巷

竹榻橋鄰巷陌斜此中可有美人家
瑤卿舊事君知否也是吳城掌故巷

今名竹榻橋巷俗訛祝駕橋巷在樂橋南境東

竹榻橋

訛音祝駕竟相差驚起吳兒一市譁
修竹脩然遙隔處橋邊應有美人家

在乘魚橋側俗訛祝駕橋按內觀日
疏瑤卿月夜

一

過橋脩然朗吟其聲清亮字字動人
居民但記其兩句云遙隔美人家
數竿修竹處自此橋名竹隔據此則當以作隅為是

張古老巷

樂橋斜處綠陰濃小市茶帘客思量
為問倒騎驢背客可曾此處寄仙踪

一作張果老巷在乘魚橋西南

又

一條僻巷首重回箋注蟲魚苦費才
姑妄言之張果老倒騎驢子幾時來

按古一作果

東憇橋巷

暗塵殘夢兩悠悠
癡鈍翁還本事搜
雨露深恩廢孝義
當門綽襖惜無留

今名孝義坊巷因有周孝子廟在焉

錦帆涇

花柳相依記昔曾
端居那復曲欄憑
綺羅香裡船頭客
晚市風清聽賣菱

今之市河南自憇橋北出香花橋之西乃昔之新河也

按吳王挂錦以游今憇橋北至香花橋西址多淤塞載吳門表隱

二

孝義坊

曾策吟筇憇道旁
秋深暝色正昏黃
周容香火年來盛
第一先題孝義坊

在東憇橋巷

鼓角營巷

海宇乂安已息兵
民居樂業慶昇平
別來曲巷多迤邐
運威果名揚鼓角營

在孝義坊內按宋人以雄節為南營全提為北營威果必為中營無疑中營鼓角指揮元額二十五人坊南有迤里曲巷作磐折式者一疑是周司徒巷

司徒純孝舊知名古井蓬萊水尚清廟貌衰頽香火
斷只餘巷陌樹風聲

俗名周孝子巷在金母橋北
有周孝子廟中有蓬萊井疫歲虔禱于神汲泉飲
之可免

通闌坊

城中風物尚清閒緩緩尋芳往復還遮莫滄桑人事
變古坊依舊喚通闌

在金母橋西其地古有關也
按東西天王堂係吳子城鼓樓基今鼓樓坊猶存
東土岡迤邐蟠繞猶見城基

三

穿心街

城守通闌尺五天馬龍車水市喧闐吳謠縱說穿心
爛我笑街心看不穿

一名城守街在通闌坊南

金母橋

緩緩歌車輦路開綠楊影裡碾輕雷齊玄好笑當年
事金母仙乎肯再來

在天王堂西

昔吳王齊玄好道王母嘗與齊玄會于此命仙女
房奴歌毒南之曲彈橐鉢之琴後人名橋為金母
即西王母也載紅蘭逸乘

哪吒院子巷

院名哪吒巷離奇姑妄聽之姑訪之看到世間間歲
月何如風火轉輪時

在柴巷北今南北新街之間盧志著錄

北新街巷

列市星羅百貨陳往來都是踏歌人一條街巷雖依
舊大好風光點綴新

今名大新街

南新街巷

往來都是看花人一夢風流更惜春撐住吳中脂粉
氣小街尤貴大街新

今名小新街

雙井巷

古井雙雙照眼明波瀾不起水澄清莫言玉虎牽絲
少猶觸當年汲綆情

有古井二

鹽倉巷

玉結冰鮮奈雪何田間煮石井熬波一從倉廢牌官
烙市店家家裏箸多

在夏侯橋西

阜通坊

阜通坊沒認依稀歷劫滄桑夢影微惆悵當年人去

也尋常門巷已全非

在夏侯橋西

夏侯橋

塵飛車馬變通衢笑我筇枝不用扶古廟已頽香火
斷橋名依舊夏侯呼

相傳唐夏侯司空建或云橋旁有夏侯廟因名在
衛治東北宋皇祐壬辰年造

又

夢圻舊記認前朝掌故羅胸挾筆騎古廟雖頽神宛
在只今猶喚夏侯橋

張思良巷

五

舊事重提欲斷腸逸風古蹟兩茫茫搜羅志乘閒徵
遍巷字思良舊姓張

在長洲縣治西

龐耆巷

巷名數典說龐耆儒雅風流亦可師稽古還宜詳里
乘莫譏誤食當彭琪

署
在飲馬橋南俗稱彭其巷有守備千總專司漕運

又

閒按志乘琢新詩攷正龐耆較得宜豈有吳音傳鳩
舌家談到處說彭琪

魏家巷

物換星移一瞬間幾多遺跡等雲烟倦游巷陌歸來
早底事只知魏鶴山

在龐耆巷附近宋魏文靖公僑吳有鶴山書院在
南園巷

鹽船巷

公棧紛紛傍水隈路人輻輳市喧隘鹽船取次都停
泊可有商廝把秤來

在龐耆巷前後

又

地稀車馬未妨游日看鹽船泊巷頭喧雜商徒饒富

六

庶始識行藏墮俗流

旌義坊巷

僻巷回環爾許長游教終日不嫌忙舊坊旌義明明
在底事頻呼馬脊梁

今名馬脊梁巷在飲馬橋南

旌義坊

殿撰人家近滙居橋南流水夕陽初遺聞逸乘搜羅
編旌義坊前好著書

在飲馬橋南石家滙

孝友坊巷

滿眼西風榭葉明猶聞碁杵動江城誰來孝友傳坊

陌幸得幽居大太平

今名大太平巷在飲馬橋南

孝友坊

莫笑城居舊姓連誰家弈葉得蟬嫣由來易俗敦淳
樸坊曲宜傳孝友先

在南園東巷

結草庵

結草庵荒賸古松年深論代辨無從白皮漸覺蒼官
老掉臂猶能矯若龍

庵古白皮松甚古

南禪寺

舊寺曾鄰府學東南禪歷劫幾沙蟲香山碑跡今何
在千佛堂傾夕照空

在府學東唐開成間建有千佛堂轉輪經藏白居易
易在郡嘗書詩集留此

滄浪亭

孤亭四面繞危廊如此松杉鬢亦蒼長史不來春寂
寂半輪殘日浴滄浪

在郡學南三元坊東

韓園

閒踏斜陽野草香城南風物賺人忙韓園勝跡多零
落休把蘄王說短長

俗稱韓家園

楊家園

鷄犬楊家早散離訪園易主每懷思前庭後園傷心
極只有春風秋月知

在魏朱巷南

又

山亭一角客流觴未許南園舊跡荒四萬青錢風月
地菟裘終老是滄浪

魏朱巷

魏朱氏姓久成塵兵氣初銷歲月新但願顧名從俗
好太平巷住太平人

八

俗名東太平巷

燕家巷

斷雲幽夢兩無涯緩策羸驂巷陌斜廢宅蒼涼人不
見一浜殘日照燕家

一作燕家浜在府治東南

燕國夫人廟為孫權乳母陳夫人立

燕家橋

一浜煙水樹微茫幾點神鴉噪夕陽偶向燕家橋畔
過得瞻廟貌好燒香

旁有燕國夫人廟故名在燕家浜

俞家橋

蕭蕭髡柳未藏鴉不見人煙見落花赤色橋欄今已
朽顧名何況姓俞家

在燕家橋東南

淨河橋

幾枝絲柳淡於煙風景依稀聖可憐想見石欄人徙
倚看虹尚飲淨河邊

在燕家洪附近石湖詩溪雨不飛虹尚飲

淨河卷

天遣源頭活活宜一條冷巷怕人知願將清淨河流
水要與胸中洗惡詩

疑在淨河橋附近按元妙觀志載在天慶觀東恐

誤

船塢橋

船塢橋畔聚浮家鴨綠波柔日未斜誰說不殊此風
景年年鰕菜是生涯

在烏鵲橋西張林洪

洞橋

事閒聊作踏歌來絕妙風光似撥醅一笑詎須論出
處洞門無鎖洞橋開

在燕家洪附近

范石湖詩洞門無鎖城門近轉午鷄啼日正長
祝橋

詩思年來似晚潮
釣游甚處最魂銷
門前新漲官河水
暮雨多情話祝橋
在燕家浜附近

玉淵坊巷

追思曠劫對斜陽
琴劍飄零始悔忙
收拾遺聞尋巷角
僅存三字玉淵坊

在南星橋

玉淵坊

玉淵坊冷碧苔生
誰向橋頭窄處行
弔古撫今成一歎
流風早歇不知名

在南星橋東

南星橋

跨水星橋盡市頭
上行車馬下行舟
但知鴈齒隨年缺
須費金錢買石修

一作星橋在大雲橋東

翁家巷

幾椽市屋夕陽斜
酒後閒情興自賒
小巷徘徊名失考
相傳但識是翁家

在府學東

白重章巷

氏姓僑吳不可誤
採風問俗幾滄桑
誰家巷陌成追憶
廢跡猶尋白重章

在東楊家巷後五聖巷前

按吳郡志載紹興九年通判白彥惇建介庵舊在郡圃入通判廳今廢亦廢廳西有琵琶泉小邱岩曰西施洞皆傳為往迹泉清冽可釀酒府判東廳在郡治之西此巷較近疑即其人而府判西廳則在城隍廟後依子城東南角

東楊家巷

楊家院子有名稱此巷由來舊貫仍曠劫只今惆悵在累儂文獻一齊徵

一作楊家院子巷在府學東

宋楊存中鎮吳人為之表和令坊其園第在焉

十一

高墩街

高墩街近市南頭街號高墩墩未留世上空名渾似此何妨小住任沉浮

在烏鵲橋南

五聖巷

櫛比人家傍市栖淮張隱事肯重提郢書燕說皆詩料得句先將五聖題

在長洲縣前按張士誠于元至正二十七年七月七日自縊死年四十六吳民歸其骨葬于茶山家立廟祀王及弟士德等諱之曰五聖故至今蘇常多五聖祠此巷之名所由來矣

烏鵲橋巷

與縣為鄰舊館東冰消容易又秋風絕憐烏鵲南飛
去橋巷空留落日紅

在長洲縣東

烏鵲橋

蕭條驛館久傾欹賸有河梁跡未移烏鵲南飛斜日
外更無人詠樂天詩

舊傳古有烏鵲館橋因其館得名在長洲縣東按
樂天詩嘗及之有烏鵲橋紅帶夕陽又烏鵲橋高
秋夜涼烏鵲河頭冰未消

吉祥術

候門童稚笑相呼桃李陰陰尚有無花好月圓人更
壽術名喜與吉祥符

在烏鵲橋東北

十泉街

玉虎牽絲說可憐街頭瑣事記難全當今好笑車薪
水綆短何能汲十泉

今名十全街舊傳有古井十口故名兼隸元和

又

十全街道真如梯左右人家屋不齊吳諺未忘真晒
煞只因終日面朝西

吳人有晒煞十全街之語

福民橋

清官伯律著吳閩愛掬甘棠不讓仁為政廉明恩澤
在造橋猶自福吾民

在長洲縣治前况鍾建

義役倉橋

綠水縈洄似帶長呼橋應是樂輸倉願為化作軀千
億義役年年滿粟糧

今名樂輸倉橋俗呼綠水倉橋在長洲縣治西旁
按舊即縣倉時宰以民樂然輸致故曰樂輸倉橋

帝師橋

巷議街談屢轉移名訛不定更滋疑一橋跨水通來

十三

往累得人前喚帝師

今名帝師里橋俗訛帝思蓮橋在義役倉橋東宋
咸淳間建

儒學坊

烏鵲橋南儒學坊清流託蹟在吳鄉聯輝花萼科名
盛嘉話林希儻未忘

在烏鵲橋南宋林希與諸弟所居希父槩先在國
史儒學傳希徙居吳與弟旦嘉祐二年同第進士
次舉弟邵顏文同登第吳人榮之故以名坊

五龍堂巷

舊時祈雨賽神忙賺得家家熱辦香小巷鄰橋兼近

廟命名應取五龍堂

在帶城橋西南按石龍在烏鵲橋東名龍壇闔閭所造今為五龍堂庭外池中以石板覆五井或云壓太湖水怪遇旱啟板即雨清乾隆二十四年大旱巡撫陳宏謀禱而啟板立應相傳郡中逢亢旱有司以虎骨投之能暴雨不止載表隱

龍堂橋

小石扶欄認舊踪天風鸞鶴漫相從一橋賸放粼粼水要待詩家釣五龍

一作五龍堂橋

靈濟廟

十四

舊人間話五龍堂贏得蒼生禱雨忙次第敕封靈濟廟東西南北與中央

在長洲縣東南

趙家園卷

佳晨詎肯負芳樽花自爭妍鳥自喧問著蹤由吾喜說不應忘却趙家園

在帶城橋西南

又

趙家園子似虛花既改茶樓又酒家一帶池台渺何處只餘空巷夕陽斜

破井卷

碧甃陰森巷陌寒水枯石爛詎無端此間那有胭脂
色漫作陳朝辱井看

在帶城橋西南

又

帶城橋畔按圖經井甃誰知眼獨青大旱年中波不
竭百家修綆未曾停

船舫巷

暫時閒散替勞生觸處經行有屐聲舊日船坊已烏
有只餘古巷號今名

在帶城橋西南

船舫橋

春風和暖草如絲載酒聽鶯事事宜半晌船坊橋畔
立人家幾簇點燈時

在帶城橋西南側久廢

蓮城巷

聞歌解唱想夫憐一笑原訛相府蓮休說此花開處
遠倚風仍舊近城邊

在帶城橋西南

覺報寺巷

吳中香火話前緣小句初拈覺報禪豈問話家經百
劫巷名元與寺相傳

按吳郡志吳中佳麗自昔所聞建炎兵燹所存惟
覺報小寺及子城角天王寺

覺報寺

岐公香火締因緣老壽庵中次第禪怕說靖康遭狄
難靈光魯殿獨完然

舊名老壽庵宋王岐公家香火院也在今縣治東
南按吳中舊事秦檜妻之弟王喚子顯道紹興初
知府事峻於聚斂酷于用刑覺報寺其私家祠也
靖康狄難此寺賊酋所寓故不得焚吳下古名屋
惟此寺耳

覺報寺西橋

十六

跨水橋如虎豹蹲寺西鐘磬定晨昏緇塵幾換華鬢
劫夢覺還須報本恩

在覺報寺巷

覺報寺後橋

市梢不住住橋隅如釋仁鄰德不孤仙足雖傾存木
杏幾經兵燹亦憐枯

今名木杏橋在五龍堂巷南

帶城橋巷

昔人遺蹟半荒蕪冷巷蕭條日已晡覓遍志書無著
錄循名祇合帶城呼

帶城橋

烟光柳色淡冥濛一脈官河宛轉通橋下畫船歸緩
緩赤城猶帶夕陽紅

今誤為戴城橋宋嘉泰元年重建橋迤邐近本府
南城故名在烏鵲橋東

濶堦頭巷

雞犬相聞小住佳野人慣作野生涯徑行舊日城南
路窄巷何來喚濶堦

在帶城橋西

網師巷

斜暉頻向綠陰移人破閒時即賦詩曲巷園林如復
古網師應是喚黃師

舊名黃師巷在帶城橋西

紅鴨橋

自呼呶呶孰雄雌結隊成群戲浴宜偷得東坡詩料
好橋頭水暖恐先知

一作楊矮子橋在木杏橋東今訛紅杏子橋

採蓮涇橋

採蓮歌唱再三聽綠水參差好放艫欲識妾家橋下
是他時應記採蓮涇

在城內東南隅運河之陽今廢

在呂公橋西南跨採蓮涇地名采蓮里明嘉靖元
年建

南白塔子巷

橋名新造術名南塔影還憐舊巷探咫尺迷自嫌吟料
少詩腸鼓吹有空慚

今名新造橋南術善教橋對

蘇家巷

撇笛滄浪舊思賒低徊冷巷認蘇家訪君遺蹟知何
處鄰寺鐘聲雜晚鴉

宋蘇舜卿居此因名在新造橋東南今相王廟弄
東近堙

磚橋

對城咫尺柳蕭蕭瓦屋臨河半市寮被酒未闌燈火

十八

活短蓬撐夢過磚橋

舊名春和橋明隆慶元年知府蔡國熙重建改令
名在善教橋東

磚巷

隱隱飛橋隔市廛歷年興廢幾滄田古磚巷陌閒游
遍餘韻流風兩渺然

在黃師巷附近疑磚橋對巷

又

雙塔之東古寺西地名磚巷足幽栖垂楊幾樹聞鶯
語前後人家咫尺迷
百步街

百步街頭試履初移家只合此中居曙鍾不斷催人起多少先生自檢書

在磚橋北

程橋

天知日出雨全消柳待風來絮已飄借得蹇驢行畚

在春和橋東南近對門

相王廟後巷

相王廟畔夕陽明後巷人聞社賽聲唯恐往來相厭賤南家酌酒北吹笙

相王廟

十九

古廟蕭條落日黃相王遺蹟築城牆吳中掌故吾能說土穀之神乃姓桑

在府治東赤門裏相傳為吳闔閭築城見誅死遂為神或謂赤闌以廟近赤門為名按吳地記云南面討擊將軍黑莫郝墓在蛇門里周敬王六年築城誅死今呼赤闌將軍三書自相牴牾皆臆說也今呼東相明王又云赤闌即赤門相王即伍相姑備錄以傳疑

一云神姓桑名湛璧蓋不可攷

按赤蘭相王廟在南園赤門傍行祠在巴家園神姓桑名湛璧舊志作黑莫郝亦名榮封東吳上鄉

王穀神織造都城隍五月初六日神誕唐時已建
清康熙四十四年織造李煦重建請加封護國忠
顯王道光元年織造嘉祿率紳民重建列入祀典
一在葑門外接官亭一在洞庭西山載顧震錄
又相王墳在盤門東城下古蛇門傍因擊賊將軍
黑莫郝所葬舟人賽祀不絕載表隱

東長橋巷

清光如水照良宵
踏月行吟未寂寥
却把心香燒一
瓣
教儂依巷走長橋
一名東燒香橋巷
東長橋

浪漫三吳續舊游行踪
流轉幾沉浮燒香人過聽風
水一道長虹西岸頭

俗名東燒香橋在葑門南營近二郎廟

東坡詩年來轉覺此生浮
又作三吳浪漫游

又

當年疊石架為梁
影落城南幾夕陽
塵事于今雖已
換橋名依舊允稱長

西長橋巷

細柳蕭疏月半黃
寺門鐘冷斷燒香
莫嫌扶策匆匆
過詎識橋長巷亦長
西長橋

西長橋去不須船香火人家別有緣
賸喜游蹤差可認葑門營畔鎖塵煙

俗名西燒香橋在葑門營內

燒香橋卷

拄杖閒游引興長誰家兒女說燒香
一條橋卷如弦直鄰廟端宜賽二郎

在二郎廟東南

相傳每歲六月廿四日為神誕吳人祀之必用白
雄鷄因白鷄能為鬼神所役使吳人用此亦山川
不捨駢角之意

燒香橋

三

思波只許戀恩光古廟游時賽二郎處處回頭皆是
岸上橋何必話燒香

在二郎廟東南

二郎廟

城南衝後路非遙香火年深未寂寥
灌口二郎銷暑毒白鷄黃酒可相邀

在二郎巷按神姓趙名昱灌州人仕隋大業為嘉
州太守有蛟患入水斬之卒後立廟號灌口二郎
神吳人祀之必用白鷄

二郎巷

人生行樂及時宜社鼓夔夔報賽期
本地風光談掌

故二郎巷以二郎祠

在十全街

圓通庵

圓通雖是屬僧家任容徘徊到日斜
鼎食鐘鳴無暇出俗人空看法蓮花

舊名通玄在潤家頭巷

盛家帶

陌草纖纖似翦齊斷塵殘夢事休提
昔人游衍盛家帶鴻蹟猶憐印雪泥

在望門橋

望門橋

三

斯文擲筆誤天驕劍膽琴心一例銷
我亦曾為投止客幾回踏過望門橋

今名望瑞橋在春和橋北

朱家橋

滄桑人世早興嗟幾見雲初子姓奢
搜得遺聞充別史舊橋雖廢屬朱家

在磚橋西北今廢

蟾宮橋巷

春風歇了起秋風遍覓橋無巷亦空
舉子紛紛今不見何須仙桂折蟾空

蟾宮橋

金粟飄香試榜時
守株待兔不相宜
題橋何事休惆悵
曾夢蟾宮折桂枝

已埋沒今蟾宮橋近代所建後人求古蟾宮橋址
不可得被而名之者也在望信橋北側
白居易詩遙知天上桂花孤試問嫦娥更要無

曹家橋巷

飲食人家七事多
鹹酸醃醃好調和
莫嘲覆瓿題成術
也許曹家作哦哦

今名醬園術

曹家橋

未識曹家昔盛時
論橋選勝費猜疑
盧師行誼分明

二十三

在乾笑人訛作鷺鷥

今名鷺鷥橋一名盧師橋按吳門表隱邵公祠在
盧師橋已廢邵某名失攷篤學敦行盧雍之師因
名盧師之地即天賜莊一隅或云盧師庵址故又名
庵橋在清安橋西北

楊家橋

衰柳殘蟬月上遲
移情風物每懷思
楊家身世無人識
姑到橋前略辨詩

在曹家橋巷

范石湖詩只辨登臨不辨詩

姜家巷

世事滄桑感廢興一牕夜雨話秋燈韓衙零落姜家
舊掌故還須里乘徵

今名天賜莊明為韓衙前

普照院前

歷劫滄桑不計年精藍猶解祀鄉賢佛光普照明心
地賸有車塵碾院前

未見著錄

普照院

普照院荒嬾試鞋伊蒲精潔尚縈懷肥冬猛憶兒時
事粥鼓逢逢看打齋

章家橋

二五

城中著姓漸無聲世事難忘劫後情此是舊人游釣
地章家還指廢橋名

今湮沒在望門橋東南小橋柱上正書只存重九
日章府一力重建數字年月無攷

章氏源流詳中吳紀聞

普照院東巷

水曲林幽獨自行閒游澆茗漱春醒雨晴東巷塵埃
洗倍覺禪光普照明

雙紅巷

單衣緩步級平寬游釣情追舊日歡鴈齒紅橋渾不
似舊名我獨愛清安

一名清安橋俗名紅橋疑即此在望門橋北側普
照院東巷

折桂橋南巷

人生甚處問行藏蟾窟風流不算狂北巷未深南巷
淺新詞合譜桂枝香

在天賜莊附近

折桂橋

老桂花開軟半黃金風拂處盡天香一灣明月涼如
水秋思先懷及第郎

在蟾宮橋東宋紹興二十七年建

又

娟娟金風動別思輕衫細馬少年時上橋何事休惆
悵曾夢仙郎折桂枝

營橋巷

細柳垂垂夕照邊指揮猶得壯兵憐一條冷落營橋
巷鼓角聲喧說昔年

在百獅子橋洪

營橋

媵魚天氣够魂銷細柳垂垂舊路遙恰喜詩人逢覽
揆一筇攬上壽星橋

今名壽星橋在百獅子橋北

按壽星橋因有磁壽星像宋紹興十年里人浚河

得磁壽星像遂建橋立廟祀之載表隱引顧仁餘
記

望營橋

游人怕唱踏春歌更作新詩感逝波絕似陳橋兵變
後屏營還比望營多

在營橋巷附近今廢

毛家巷

選勝尋幽興未孤略耽掌故付吳歛伯明舊事重提
起端恐遺阡地早蕪

在營橋巷附近按宋毛友誠字伯明平江人龔安
圃高其行誼即延至領泮宮幾十年没于泮宮

二十六

歲有橋

顧我閒情不受憐卜鄰相近詎辭遷題橋暫借東坡
句今歲仍逢大有年

在營橋東平糴倉前

百獅子橋

神工鬼斧舊欄鐫閱世通靈不計年百爾狻猊傳異
事居然作怪現人前

在望信橋西北按此橋明以前不見於志乘嘉靖
十六年沛人彭年所撰重修百獅子橋銘序云吳
水國也故橋梁之利興焉府城之中殆不勝紀其
雄駕通渠橫絕康莊新名古額播諸志冊者三百

有一至若六間以外四封之內猶未盡列可見百獅子橋向不見于志

該橋扶闌石刻百獅子甚工曾作怪擾境今鑿傷無完體者見顧瀛秀記

放生池

城南十畝放生池池上鞞紋皺綠漪妾羨文禽能比翼郎如文鯉自揚馨

佐家橋巷

不嫌冷落怕煙稠曾說偷閒乞小留偶到佐家橋巷去小門臨水絕清幽

在佐家橋

佐家橋

家住城中四百春只容心裡貯無塵一橋典故閒徵遍佐氏猶疑合左人

今訛祖家橋在壽星橋東側游仙涇橋南非佐氏疑左人之合文

鐘樓頭

睥睨城南世不遺下放煙火萬家炊鐘聲敲月譙樓出獵獵寒風向市吹

在左家橋東張公橋北

石匠巷

見說人多隱市間幾番輿替近何如巷名石匠開基

業爭得工商合作居

因有石作居此故名在游仙涇橋東北

居公巷

閒游隨處得相宜笠屐風流又幾時漫恨居公無字
號還須他日補吾詩

在石匠巷後明有居節吳人宋元之間吳中已有
居姓

游仙涇橋

夏深有畧破工夫掃盡清陰置瓦爐聞喜修梁訪仙
蹟曾傳此境不虛無

一作游仙橋今訛仙境橋在吳王橋北

二八

又

世上何人肯行修游仙橋上賦仙游達人傳語真仙
訣不替兒孫作馬牛

又

橋名仙境在人間難得閒人說等閒避世何須求辟
穀道遙正好採芝還

吳王橋

窈窕虹梁夕照深寺東塔影映波心吳王莫誤夫差
事雙姓元來合到今

在雙塔寺東後周廣順二年建佐家橋北

博按以顧周徐胡富孫之例證之吳王亦當係二

姓也

湯家橋

亂書堆裡笑書生志乘窮搜好遣情聞得口碑傳道
路湯家零落賸橋名

在吳王橋東

張公橋

官河如帶少輿梁繞道終嫌跋涉忙一自張公營建
後利人來往姓流芳

在湯家橋東

折桂橋北巷

巷北霜清金粟開願君採擷盡詩材桂花堪折應須

二十九

折莫待枝空折桂來

今與折桂橋南巷統稱長街

顧庭橋

偶經行處最關情往事如塵感易生若問顧亭能至
孝一橋獨建詎沽名

一作顧亭在獅子口宋顧亭居此亭至孝其母磨
豆為業有宿孽當天譴林酒仙憐而救免後皈佛
罄其資獨建此橋宋端平二年建載褚人獲記

東禪寺

曾記陳家開瑞蓮悟禪捨宅赤烏年題名鎮國更明
覺異蹟頻傳到酒仙

在長洲縣東南一里半唐大中五年置吳赤烏間
陳丞相宅因池中生瑞蓮遂捨為寺名鎮國院唐
大中間勅改東禪明覺寺宋異僧過賢號林酒仙
者嘗居之元至正間燬明洪武間重建

紅鰕出東禪寺前河內宋林酒仙遺跡北園老君
堂西浜亦生紅鰕明劉垢仙遺跡載吳門表隱

又

一搦寺橋東復東東禪寺院大遺風荒蕪亂石斜陽
影盡在當初入定中

東禪寺西橋

寺橋西去少人煙難得良朋共月圓此是浮生清絕

處不須香火問東禪

一名秦明橋今名寺橋在東禪寺西

又

人家幾簇樹微茫一棹夷猶趁夕陽偶向寺西橋處
泊晚風吹進紫茸香

南胡家橋

城南鐘鼓日遲遲一水彎環略約欹要問西間興廢
事題橋并記放生池

在封門內放生池鐘樓附近按放生池地名浮墩
一阜突起池中宋熙甯時曹僚建醒心亭于其上
傍有雙松甚靈建炎兵欲伐之忽隕石如雨乃止

載吳門表隱

官太尉橋巷

千戶頭銜職有權如何捨宅結禪緣對妻莫訝同名
巷喬梓分居各自傳

今名唐家巷明千戶唐岳所居因名

唐岳所居後捨宅改萬壽庵婁門唐家巷次子華
分居因名

官太尉橋

清游暫得釋塵情臨水家居雜市聲論姓但知官太
尉題橋可惜不留名

今訛管太尉橋按此橋平江圖失繪在仙境橋北

季衙前

清游最好養花天恰恰黃鸝我亦憐料理詩瓢兼酒
榼吟魂早墮季衙前

今名孟子祠堂前在唐家巷東

夾城巷

細雨斜陽漏晚晴寺前直是踏莎行一條淺巷分明
在夾得東西截業城

在東禪寺前按盧志隸夾城巷于吳縣列果子巷
水糲巷之間而姑蘇志明言夾城巷在東禪寺前
豈東西城各有一巷故謂之夾城歟

盡市橋巷

風物淒涼日已晡
醉人猶是勸提壺
一條短小清寒
巷沿襲橋名盡市呼

吳承議橋

好携筇杖踏莎行
覓侶黃鶯兩岸鳴
應笑吳儂多軟
語吳承議即舊魚城

在官太尉橋東側

其音訛為魚城之例證之良是

盡市橋

盍盍風光潑似醅
閒雲野鶴不須猜
飄然曳履橋頭
立興市如何盡市來

今名興市橋在苑橋南側

白蜺橋巷

土物原堪賺客憐
底須海錯列當筵
蛤蜊且食無多
味那及春來白蜺鮮

一作白蜺巷又作白蜺子巷

白蜺橋

市近邀朋檢食單
杯盤狼藉幾家歡
橋邊白蜺饒風味
想到流浪下箸難

在盡市橋西清嘉慶十一年重建

王判司巷

病廢焚香嬾廢吟
消閒惟與史相尋
判司應念王文
罕塔語斜陽巷陌深

即壽甯寺巷今名定慧寺巷其東今名雙塔寺前
宋雍熙中判司王文罕建雙塔並捨田五百八十
畝令祀文罕為伽藍神兄弟三人並有像其墓在
寺內東隅塚甚高人不致近其地本名王判司巷
載吳門表隱

壽甯巷

壽甯巷口日蕭條古寺苔深晝寂寥志乘不嫌求瑣
屑慚無典故補吟謠

疑即壽甯寺得名在船長巷西南待再攷

雙塔寺前

市陰靜處不驚龐勝刹鐘聲待月撞眼底願如文罕

積慶寺

盛家捨宅記當年法翌開山結佛緣終是積慶堪靜
憇一甌香茗破初禪

在善教橋北宋開寶八年郡人盛氏捨宅建僧法
翌開山紹興間賜額元季兵燬明洪武初僧普照
永樂中僧永宗戒坦相繼重建

迎風橋巷

悒悒巷陌夕陽紅斷鼓零鐘約略同舊雨無多憐往
跡誰來橋畔說迎風

在望信橋西側

迎風橋

中王文罕建兩磚塔對峙遂名雙塔至道初改壽甯萬歲禪院

定慧寺

定慧曾依萬壽鄰嶙峋雙塔更相親佛經滿架鑪香起可有談禪說偈人

本萬歲之子院初名西方院宋祥符中別改今額宋僧卓契順常居此即訪東坡於惠州者元季兵燬明洪武中僧景新惠澤先後重建在雙塔寺西

八寶街

游衍時光願未乖出門筇屐費安排三吳掌故閒徵遍儉腹羞談八寶街

在定慧寺巷

葉家巷

冷巷鄰橋歲月賒鳳池鄉下每停車欲尋舊宅知何處怡悵當年少蘊家

在望信橋西

葉少蘊舊宅在鳳池鄉前有魚城橋政和中寓布德坊

胭脂橋

鶯飛草長燕參池斜日籠煙鎖柳絲傳說夷光留艷蹟一橋春水漲胭脂

在仙境橋西側宋嘉定十五年二月重建按胭脂

橋闌題字亦極挺秀當亦嘉定原題
一作在葉家巷西口

又

風日晴和似撥醅佳人難得尚低徊題橋急記銷魂
句分與胭脂一抹來

七塔寺前卷

拄杖閒行整角巾詩人覽景正微呻吳中七塔由來
漸更說錢衙迹亦陳

今名錢衙前為錢尚書邦彥宅故名在望信橋西

妙湛尼寺

慈名仙去普明連香火原隨世代遷七塔瓶新誰述

記寺題妙湛有碑鐫

今呼七塔寺在長洲縣東五代錢元璪施園池建
名優婆夷寺宋開寶間建七塔建炎兵燬紹興初
王岐公孫女慈明大師者重建因名為七塔寺

望信橋

紹定當年溯鼎新蟬嫣吉語願同仁若知望信橋屋
略撐住東南踞要津

在葉家巷東宋紹定己丑孟冬上浣建

按此橋乃姑蘇東南隅之要津于紹定己丑孟冬
上澣吉日鼎新畢工孟樞院方縣丞則勸緣其人
也以譽高鄉里樂然助之口眾金宣義季御幹諸

公弗怯捨錢由是口日而成姑識歲月以效昔人
題柱云

積慶寺前巷

殘鐘斷角日初斜滿路香塵碾犢車古寺久闌題積
慶訪來市里喚嚴衙

今名嚴衙前在善教橋北

明嚴納築室于茲因名

積慶寺後巷

說劍吹簫取次過舊塵如夢意云何郡中八族元相
望獨有張家巷最多

今名張家巷陸士衡云八族未足侈四姓實名家

唐家橋

一抹飛橋舊姓唐世家零落寔堪傷莫嫌人事滄桑
換飛絮禪光也斷腸

在七塔寺前望信橋西

清道橋巷

城南風物自出佳清道橋前笠屐偕世事變遷心却
定殘碑猶是記東街

今名東街在東小橋南按吳郡金石目施判司宅
修井題記淳祐七年臘日正書在葑門內東小橋
南地名東街一作淨道橋巷

清道橋

無主鶯花祭祭新
輕陰薄靄釀芳春
何妨邀個逃禪
客清道橋邊迥絕塵

俗呼東小橋在南倉橋康熙志小橋巷

李王廟巷

巷前古廟久名揚
鼉鼓逢逢賽李王
借問何時纔冷落
滿城風雨過重陽

俗呼李王廟街在清道橋直南

吳衙場

誰家門巷占清華
善教橋東路不賒
世事如棋人似夢
一場賺得喚吳衙

在善教橋東北為明給諫吳公美之住宅故名

積慶寺

盛家捨宅記當年
法翌開山結佛緣
終是積慶堪靜
憇一甌香茗破初禪

在善教橋北宋開寶八年郡人盛氏捨宅建僧法
翌開山紹興間賜額元季兵燬明洪武初僧普照
永樂中僧永宗戒坦相繼重建

迎風橋巷

惓惓巷陌夕陽紅
斷鼓零鐘約略同
舊雨無多憐往
跡誰來橋畔說迎風

在望信橋西側

迎風橋

朱欄一抹倚飛虹百轉腸迴帶水通斜日不煩人喚
渡蕭蕭紅葉似迎風

今訛迎楓橋又名迎封橋在望信橋西側

董家橋

聞來甚處踏長虹擬看斜陽射水紅安得上橋頻問
姓但知世澤出蒙龍

在東小橋南

按黃帝之後妣姓國有颺叔安裔子董父好龍龍
多歸之曰蒙龍氏舜賜姓董

孔夫子巷

居夷吾道本何妨夫子儼然作侍郎今日游人重訪

三十八

古蕭條巷角墨池荒

在南倉橋南為工部侍郎孔鏞所居因名
孔宅後圃有泉曰墨池

顏回巷

平生此地幾徘徊策策芒鞋我獨來樂道安貧人共
笑一瓢陋巷憶顏回

今訛單家巷在孔夫子巷後

孔聖坊

廟貌我我祀素王千秋俎豆魯靈光自從分割南園
地此處猶留孔聖坊
在南倉橋南

舊有孔夫子廟在此宋景祐中方割南園立學嘉
泰初遂以名坊

孔聖坊巷

寂寂城南大道旁又携藤杖獨相羊聖人不作殷憂
在安得街頭覓鳳皇

今名鳳皇街俗稱孔夫子巷疑名誤

繡衣坊

從來諸老盡名郎里乘輜軒采至詳卜築吳中多勝
地詩人早識繡衣坊

又

坊下何人著繡衣長官清絕巷傳駢繁華消歇無尋

三十九

處蝶已伶俜夢亦微

在南倉橋北

東坡詩伶俜寒蝶抱秋花

繡衣坊巷

閒岸綸中憇市扉何當漉酒思依依西街走盡如繩
直幾個榮歸換繡衣

今名西街在南倉橋北紹定二年立坊

按繡衣坊有顧儼戈立張備林符朱文劉纓杜放
王俸史鑑九人均在繡衣坊

南倉橋

南倉廢跡幾斜陽賸有題碑沒路旁積穀無多年可

想過橋能不感南倉

在永定橋東南清道光二年重修

穀場巷

藤冠練褐野人裝又向官途步夕陽圖覽平江真佚
老穀場巷陌近南倉

在南倉附近

東穀場巷

積穀還須設穀場巷由場改亦荒涼防饑早日煩儲
盈莫待書生病絕糧

在南倉附近

西穀場巷

游衍時光意可親一場巷陌竭來頻黃冠早窘防饑
術此地原無辟穀人

與蔡家巷相次疑在烏鵲橋西

甫橋

萍跡年年慣自飄行人無處不魂銷每逢佳節多離
別垂柳牽絲拂甫橋

在濂溪坊西明成化十五年十月里人王克順先
捐資重建明李尚文有記或以為甫里先生之功
又無所指姑闕之以俟知者

按甫橋東西跨街二石坊東曰清朝法從為丁世
熙元復父立西曰藩屏碩望為鄉賢丁元復立今

元和縣署是元復故宅載元和舊志

廿八錢巷

觸處游閒意盡便偶尋巷陌得相憐留題漫笑詩無
價一絕居然廿八錢

列胡書記橋前

胡書記巷

卧水晴虹柳半疏此間俗慮自消除翩翩當日胡書
記為愛橋頭說定居

俗呼胡書記橋街有橋故名在竹堂寺東

胡書記橋

鄰寺鐘聲日未晡風光滿眼入詩無題橋往事添惆

帳書記翩翩舊姓胡

在竹堂寺東嘉慶五年重修

民治路

結轍揮犀計不疎紛紛前事竟何如拓開民治成新
路封建餘風跡盡除

在舊皇宮前

玉杖河頭

詩人結習愛清狂擷翠尋幽著屐忙玉杖河頭追所
自郢書休再舛王長

今訛名王長河頭在民治路對巷

陶唐巷

連日天公意不慳柴荆既設詎常闔齒牙縱挂陶唐
世吳語偏呼鵝頸灣

俗呼鵝頸灣在元和縣前

張林洪

泥金二字切成吟路誤相沿疊韻林別有洪名須討
究如何音誤古到今

即張泥金洪巷涉音切短長而誤在胡書記橋附
近疑即此泥金切吟字音與林為疊韻

按元和陳本直畏三覆瓿新著有募建王場河岸
護欄並吳天燈疏云郡城內東偏有王場河為宋
判司王文罕故里王初捨宅為定慧寺寺在河北

四十二

百步許寺以南為菜圃為稻塍其始皆王宅址也
地以王場名蓋本於此其河不與外通有水一窪
東西長徑如千步廣僅二弓冬夏水涸中常見底
通人行惟東偏滙一地獨深且瑩澈無盈縮西一
池亦稍寬廣相傳河有溺鬼間數歲恒殺人往來
者苦之積有年矣顧河之北所謂菜圃稻塍者咸
資以灌溉故不可湮塞也

楊園

石子彈沙路未荒車聲催送幾斜陽當年若問存中
宅槐樹陰濃和令坊

一稱楊和王府在和令坊按楊存中居此追封和

王或云因此名坊非也

楊園橋

廢基東望小橋斜勝蹟淒迷滿眼賒遮莫殘虹成一
歎更無院子說楊家

一作楊府院子橋又作楊家院子橋在竹堂寺前

香花橋

一彎虹影鏡波明新築皇宮似畫成賸有石欄眠不
得香花鐫出舊橋名

今名皇宮橋在竹堂寺前明萬曆八年建

樂籍堂巷

巷陌悒悒野草黃扶筇閒步訪門牆賈青不作家何

在莫問當年樂籍堂

宋紹興中知州賈青造樂籍堂于此因名今訛樂

營堂巷又名晉甯坊巷在草橋西南

槐樹巷

欽遲太尉久交推食邑何緣作隱才堪笑徙居皇甫
信里門今尚樹雙槐

在正覺寺前

宋南渡時皇甫信自朝那徙居以漢太尉食邑槐
里樹兩槐曰槐樹巷四傳至信六世孫冲為居第

記

宋衙街

古押衙門最出羣階前草色碧于雲不知細馬鳴珂
出紅杏家聲屬此君

在槐樹巷東兼隸元和

和令坊

夏首清和日漸長尋人不遇也無妨輕衫細馬槐陰
路指點當初和令坊

在槐樹巷楊和王府前盧志唐末舊有名宋紹興
初楊存中居此追封和王亦先兆也

按漢太尉皇甫嵩食邑槐里宋南渡時自朝那徙
居樹兩槐曰槐樹巷四傳至信在南倉橋西七十
步六世孫冲為居第記

四十四

按嵩字義真按冲洵坊濂稱皇甫四傑里人張鳳
翼燕翼獻翼並負才名吳人語曰前有四皇後有
三張按吳中舊事郡治之東有和令坊今名槐樹
巷或以為楊和王存中所居而然非也按存中追
封和王謚武功或云因此名坊非也又按圖經在
唐季已有此名紹興初楊始籍為園垂三十年楊
方追封和國雖事偶合亦先兆也

又

槐樹陰濃巷陌清圖經史乘記分明有唐和令開先
兆不待存中始著名

晉甯坊巷

落日斜臨柳樹清
衝泥屐跡幾曾經
一堂樂籍雖饒
舌舊巷循坊喚
晉甯

在草橋西南同應刪

蔣家橋

樂安門巷尚迷離
差喜橋名著
姓宜金鼓頻
記鎗架
續品題休再費猜疑

今訛金鼓橋或稱鎗架橋在竹堂寺西自平橋至此並在東南隅現名東蔣家橋

按蔣家橋題記殘字云都勸緣造石橋施主安。○談。○朱。○楊。○晉。○邱。○。○都。○料。○吳。○。○。○云。○云。○與。○賢。○至橋所稱都料吳承祿者疑出一人

蔣巷即其地也巷疑在今東蔣家橋西

晉甯坊

暖風遲日賣錫天
芳草迷離柳鎖煙
曳履晉甯坊裡
去被人喚笑作詩顛

在潒股口紹聖中賈青蓮造樂籍堂於此

驅鬼橋巷

市井倉夫世所憎
見危授命獨爭能
十郎風義今猶
在可殺羣言李伯昇

一作十郎巷十倉夫所居當張士誠時應募出戰之十將軍也在元和署前張士誠封為將軍令出閭門運鐵鎗死戰明師稍却時李伯昇忿士誠因

書于徐達園復合十郎還閉門不納並自溺死沙
盆潭載顧日松記

十郎巷

風起民歌菜葉黃齊雲樓圯夢淒涼淮張霸業斜陽
改冷巷猶憐說十郎

驅鬼橋

多貴橋頭泣路隅多貴橋下鬼揶揄阿儂不願郎多
貴但願郎來鬼盡驅

今作多貴橋在十郎巷東口

報恩橋

燒錢社賽鼓如雷賺得風光鬧草來知是報恩心願

四十六

了日斜人影訪橋回

在十郎巷口

蘇公術

今來巷陌總迷茫瓦礫成堆冷夕陽尚喜居人間指
點從前玉局有祠堂

儒達巷

依然此處是游行載酒看花雜市聲小住洞橋浜水
活通儒達識合知名

今名洞橋浜在馬津橋東

儒學巷

巷僻閒尋趁暇時觀風問俗每凝思只今儒學都消

歌幾輩人來再起衰

列槐樹巷前王判司巷後疑即儒達巷平江圖有
其址即今洞橋浜

又蘇公術

東坡巷陌曉霜腴笠屐風流道不孤
禊事借娛傳誕日玉堂清夢想髯蘇

洞橋

一帶官河水溯洄石橋名洞豁然開
行人從此無須渡羸得詩翁日往來

在甫橋西側

司馬巷

落日斜侵淺巷邊
舊人踪迹渺如煙
自慚儉腹題司馬箋
注還須待續編

今訛司長巷在馬津橋西

篠橋

小橋臨水路三叉
竹篠青青傍妾家
揀得一枝斜更好
平安消息報天涯

俗名竹篠橋在馬津橋西

馬津橋

月子彎彎白似銀
踏歌一路最相親
幾家臨水橋頭住
苦要衝泥問馬津

俗訛馬宗橋在甫橋西

逍遙巷

野露融泥踏軟沙
歌聲娟娟覓吳娃
甫橋浜裡圍籬
舫行樂何妨過日斜

今名甫橋浜宋平江圖失繪

濠股巷

衰柳飄簫在眼中
路人腸斷夕陽紅
子城雖廢基猶
在吳股難為迤邐通

按吳子城甚小今之吳宮當作吳股而東西天主
堂係子城鼓樓基今鼓樓坊猶存舊名通關坊東
土岡迤邐蟠繞猶見城基吳枚庵云吳股者出城
之路也

又

吳濠股繞小城中
巷陌悵悵一脈通
從道錦帆消息
斷夢痕只賸夕陽紅

又

舊巷如塵沒草萊
當年曾見錦帆開
護城吳股明如
鏡倒影參差百堞來

又

子城舊築枕官河
四股流通水利多
一自吳濠淤塞
後錦帆無復世間過

沙糕橋

宿雨初收逐水嬉
一灣虹影俯清漪
欲詢舊典無遺

老渠喚沙糕聖得知
在濠股卷賢至橋南

又

題橋思義興何豪清味年來成老饕莫笑詩人無口
福赤沙餠餡豆沙糕

又

行啖拂鼻笑吾曹每到橋頭走幾遭詩味津津飢可
解赤沙糖糝豆沙糕

竹堂寺

游人隨處得偷閒斷鼓零鐘出巷間步盡花磚僧不
見青苔寂寞鎖禪關

四九

在濠股巷初為楊存中別墅元陸志甯居之捨為
大林庵明宣德間僧弘比宗奏賜正覺地多美竹
故又稱竹堂寺地殆百畝寺壁有唐寅畫達摩像
並贊今寺圯不存

又

存中已逝志甯離弘老重來奠寺基今日閒尋修竹
處禪房無復畫書詩

又

吳下名流溯盍簪竹堂古刹共聯吟只今樹禿諸僧
散那有黃鸝載好音

賢至橋

醇醪好與榼同携，悄訪優賢半隱栖。行過至橋猶指點，鷓鴣飛上子城啼。

一作至橋在濠股上。宋熙甯四年五月建，按橋下。宋元修建，題刻猶存。文曰：大宋熙甯四年辛亥七月望日，清和張安募衆緣建造都料吳承祿、大元至正二年二月吉社長吳讓募緣重建都料吳文興造。

閻橋巷

閻橋東巷好游行，換著紅衣喚俗名。底事風吹池水皺，不干卿處又干卿。

俗呼東巷曰紅衣子巷，西巷曰梗子巷。

五十

閻橋西巷

休笑居家少治生，閻橋西巷舊知名。拾來梗子銅錢換，本地風光較有情。

俗呼梗子巷。

閻橋

家家依水關門牆，隔巷橋通又此塘。未擬流傳關姓氏，閻閻正好界輿梁。

在宮巷東。宋開禧元年三月重修。

按閻橋為閻閻而設，過此橋則盡市矣。非以姓題橋也。

南津巷

不辭輪鐵印蹄痕却羨城中鷄犬喧為問南津舊門
巷幾人小住仿桃源

在閭橋巷後石皮巷前

子城

瓦礫成堆蔓草生舊時月色倍淒清何當斷鼓零鐘
裡猶有啼鳥覓子城

一名吳小城在大城內東偏相傳亦子胥所築周
十二里高二丈五尺五寸厚二丈三尺歷漢唐宋
皆以為郡治張士誠據蘇時為太尉府繼經敗燬
城夷圮略盡今獨存南門顏坦四面舊有水道所
謂錦帆溼也

子城後巷

鷓鴣啼罷鴉鴉啼後巷人稀跡自迷芳草無言花自
落子城惆悵夕陽西

子城後橋

子規聲裡斷腸天吳小城荒草似煙濼股不通花濺
淚水流無語後橋邊

尤橋

春秋十國渺如煙看到興亡倍可憐底事沈家先避
諱任人尤姓著橋邊

在草橋邊閩人避王審知諱而沈去水為尤
元好問詩為花添瘦任人尤

草橋

三里城西路未遙局場相近話前朝
秋高菱薦肥朱馬此地空留舊草橋

在條巷西舊有菱草局在子城西三里
又有菱草場亦菱草之棧也故曰棧橋

遷善坊

鼓喧市里憶前游練褐藤冠未易謀
何處幽坊遷善好茅齋應住草橋頭

慶善橋

近市人家笑語聞冶游借佛况春天
先過慶善橋邊去好買玲瓏小快船

王廢基

萬樹垂楊夕照遲春風帽影冒鞭絲
行行認得來時路遙指當前王廢基

今已半改公園半築體育場矣

天王堂

天王香火不忘初狄難方殷遍里閭
白髮殘僧懷舊話歸然無恙劫灰餘

在子城西北隅雖一小廟蓋大屋也
建夫狄難盈城宮室悉為煨燼而此
堂歸然獨存郡人至今敬之

平橋

初黃月子走雲邊
淺碧楊枝傍水眠
小立平橋凝睇
望參差雉堞廢何年

在子城前元大德間重建按平橋之名見於宋平

江圖

平橋直街

楊花輕輓正吹綿
甚處風光乃爾妍
橋帶人家平枕
水長街相對直如弦

朱進士巷

策蹇迢迢樂有餘
霜風吹帽笑迂踈
誰家進士名題
巷猶識朱紈舊日居
在平橋直街明進士朱紈所居因名

鈎玉巷

風捲吳塵拂面輕
携壺荷插恰青晴
一條斜巷呼鈎
玉中有愁脂怨粉情

俗呼狗肉巷相傳淮張時宮人埋玉之地仿玉鈎
斜故近王廢基

十梓街

此處清幽小住佳
望衡對宇似篔排
些兒詩料吾嫌
少志乘重搜十梓街

在南倉橋西北

積善坊

踏街腰脚力能支
白扇青鞋各自私
積善坊中前度

飲醉來詩句借微之

在府治西

元稹詩積善坊中前度飲謝家諸婢笑扶行

木蘭堂

張陸風流事不虛酒酣花發快何如而今堂圯重逢
劫遺額空懷成大書

又名木蘭院在郡治後白刺史有寄題木蘭西院
詩今以州宅後堂名之蓋紹熙中修故事所揭范
成大書按嵐齋錄云唐張搏自湖州刺史移蘇州
于堂前大枯木蘭花當盛開時燕郡中詩客即席
賦之陸龜蒙後至張聯酌浮之龜蒙徑醉強執筆

五十四

題兩句云洞庭波浪渺無津日日征帆送遠人顏
然醉倒搏命他客續之皆莫詳其意既而龜蒙稍
醒援筆卒其章曰幾度木蘭船上望不知元是此
花身遂為一時絕唱

吳會坊

偶來吳會且吟哦雨濕春流鴨綠波可笑坊閒無轍
跡人情如水不留多

在府治東因吳會亭名

西樓

無限恩光逐水流陌塵官樹兩悠悠幾家砧杵牽情
夢一角西樓似舊游

後更為觀風樓在子城西門之上宋紹興十五年
郡守王喚重建二十年郡守徐琛篆額下臨市橋
曰金母橋亦取西向之義喚初落成郡人競獻詩
以進士耿元鼎所賦為最

柴巷

似桂論斤秤不平亂離無復采樵聲城中柴塚猶名
路遺址追尋吳小城

在子城下越絕書云小城門三皆有樓其二增水
門其一增柴路今呼為柴巷

府前直街

市樓櫛比望峻增風物饒人興趣增底事府遷留往

蹟此街平坦直如繩

今名平橋直街

又

橋平似履府前東衙退鳴珂日午中醉尹不嫌街道
直紫蕉衫拂綠槐風

白詩城陰一道直

又

蘇州勝事我偏知郡府優閒憶往時太守出巡嘲五
馬橋平街直可相宜

哀繡坊巷

為政風流記一時治朝例作好賢詩繡裳畫袞題坊

卷應識居家元厚之

混堂卷

問俗觀風觸處宜智仁有樂更凝思混堂卷也盆湯
術要向巴人洗浴詩

一名混堂術又名盆湯術在涿繡坊巷

又

形骸更我混相忘卷術何名擬浴室和尚午齋纔喫
過輸他每日洗頭湯

按里中禮懺之家中齋初罷群僧即往澡堂謂之
洗頭湯

船場橋

船場橋畔產吳船兩姓浜前咫尺連寥落船場成一
歎問津無復到橋邊

在張林浜按張林浜在胡書記橋附近

哀繡坊

輕雲淡日嫩晴天別就牆陰覓路邊追念一坊題哀
繡始知鄉里尚先賢

在烏鵲橋北以宋參知政事元絳所居得名

按絳字厚之錢塘人天聖進士拜參知政事引年

歸老居帶城橋知州張祐因以命名哀繡坊

醋庫巷

隨分琴書習未除清時有味愛吾廬當年榷醋原興

學一一還將舊庫儲

在平橋南乃舊醋庫也

崇甯二年知漣水軍錢景允言建立學舍情以承
買醋坊錢給用諸常平司計無害公費如所請仍
令他路準行之初元祐臣僚請罷榷醋戶部謂本
無禁文後翟思請以諸郡醋坊日息用餘悉歸常
平至是景允有請故令常平計之余按據此則醋
庫以儲醋醋坊以賣醋也

金將仕巷

閒行未省往來忙酒美花開意味長莫共金家詢將
仕要知巷陌久荒涼

五十七

列醋庫燕家二巷附近元妙觀志載在天慶觀東
恐誤

加官術

聰明未擬誤儒冠世上無如吃飯難笑說羊頭紛進
節術名安得不加官

在南水仙術西北

青石術

花外聽鶯興不禁偶擔蠻榼酒頻斟當年青石知何
許猶向惛惛術底尋

在水仙術西

金雀巷

金雀花開雀可羅水仙廟畔定風波春來游女知多
少聯袂何妨踏踏歌

在水仙街水仙廟前

中央巷

壻鄉不住任何鄉短夢微塵生事忙漫說伊人秋水
遠近居巷曲在中央

列醋庫巷後

狀元坊

名存醋庫實先亡陋巷猶憐薛荔牆一自黃由魁獨
占舊閣改喚狀元坊
在醋庫巷為宋黃由所居淳熙八年由魁天下郡

五十八

守韓彥質以表其閣

醫院前

舊名醫院渺如塵安養重題跡也湮弄瓦人休嗟仰
屋戲言今見盡翻身

今名西瓦井巷按盧志安養院舊曰醫院提舉林
介建改今名寶慶二年八月天台陳耆卿為記正
書即刻于紹興酬唱詩之陰

安養院在州鈴廳後按州鈴轄廳在狀元坊內

又

斷瓦能無仰屋憐州鈴廳後得相連縱言林介懷安
養復古應呼醫院前

公孫巷

公孫族派有誰知太岳分明溯遠時
賸喜橋南留僻巷不留名字至今疑

在平橋南

永安橋

晴日清游引畫橈可憐新柳碧遙遙
略耽里乘羅胸坎攬筆先題小博橋

今名西小橋舊名小博橋在倉司前
宋慶元中改名永安

倉街巷

沒字殘碑卧夕陽場門遺跡已茫茫
當年良法今難

繼此巷原多積穀倉

南倉在子城西久廢但存倉街巷俗呼蒼龍巷
在朱進士巷西北古有蒼龍堂

又

一雙芒屨伴携筇不用人扶貴適從
報道水仙作春賽空堂猶是記蒼龍

有水仙廟神為柳毅古名蒼龍堂巷以堂得名

瓦井巷

翻身未必到書生無用常教被視輕
輸與一堆陳瓦礫居然巷角露崢嶸

今名東瓦井巷在醋庫巷

見英卷

城南野店酒初嘗
淺醉風漪午枕涼
滿地濃陰飄皂
英一條陋巷似繩長

在烏鵲橋北與宸繡坊巷四酒務巷相次
姑蘇志
著錄